





## 一 告 通

本誌自出版以來，頗蒙國人稱許。第一卷六冊已經完竣。自第二卷起，欲益加策勵，勉副讀者諸君屬望，因更名爲新青年。且得當代名流之助，如溫宗堯、吳敬恒、張繼、馬君武、胡適、蘇曼殊、諸君，允許關於青年文字，皆由本誌發表。嗣後內容，當較前尤有精采。此不獨本誌之私幸，亦讀者諸君文字之緣也。

## 二 告 通

本誌自第二卷第一號起，新闢「讀者論壇」一欄，容納社外文宇。不問其「主張」「體裁」是否與本誌相合。但其所論確有研究之價值者。即皆一體登載。以便讀者諸君自由發表意見。

新青年 第二卷第五號目次

(民國六年一月一日發行)

再論孔教問題.....陳獨秀

治生篇.....楊昌濟

一九一七年豫想之革命.....高一涵

文學改良芻議.....胡適

磁狗.....劉半農

人類文化之起源.....陶履恭

蔡子民先生在信教自由會之演說.....記者

蔡子民先生之歐戰觀……記者

藏暉室劄記（續前號）……胡適

赫克爾一元哲學……馬君武

中國童子軍……康普

童子軍會報告……康普

青島茹痛記……淮陰釣叟

國外大事記……記者

國內大事記……記者

通信……記者

























































































































































































日本吉田良三著

# 商業簿記

長沙楊蘊三譯

精裝全一冊

定價大洋九角

本書初稿五年之間重版至二十餘次。可謂風靡一時。此爲第二次改稿。其內容爲非常精構較之前撰又復週別。著者嘗自矜異。謂通常簿記之書皆用積釋法解說。複式一時雖稱簡便。然學者往往不得其詳。今此書獨用歸納法。自交易要素之結合關係而說明借貸之原理。故能條理井然。前後會通。無有隔閡之弊。學者能了解其一種交易要素。結合關係。則其他數種皆自然明悉。譯者賡續是冊所得極深。且能以簡明之筆寫複奧之理。尤爲新學中難能之作。

上海棋盤街

羣益書社出版

無師自習之良書

彭耕譯

日本津村松秀著

# 經濟學大意

經濟者

人生活動之

唯一目的也

○定價大洋六角○

津村氏在日本經濟學新派中 最爲知名

而著書體裁之賅博無偏 文章之明白暢達 則幾乎有獨無偶 初著國民經濟學原論

一書 新穎綿密 爲前輩所嘆服 因之得 授博士學位 後復續著本書 則一以簡明

爲主 蓋前書篇幅繁多 專供參考

本書乃概括大要 取便學校中作

爲課本 惟其文字顯明 引例活潑

凡無師承而欲以簡易方法通經濟

學者 每皆於是書求之 足知其最

合攻究斯學者之心理矣 彭君謂尤宜於我

國 因復以明潔之文字譯述之 於津村氏

原作佳處 未嘗稍失 且據我國經濟情形

間附小註 事實學理一總治之 更爲親

切有味

上海中  
棋盤街 羣益書社

美國東湖  
先生原著

# 中英會話辭典

袖珍精裝一冊  
定價一元二角

本書著者為美國博言博士 F. W. F. Stokes. 東湖先生書中體例首編摘取日常所用各種名詞形容詞分章節目別類提出以便學者易於暗記二編為普通各種會話三編為商業各種會話四編為普通及商業往復各種信札其信札之稱呼格式以及商業上之常用省畧語字廣告樣式招牌文字等無不一一彙舉計凡分一百六十餘類可謂搜羅宏富而割別至於細微又臚列極有順序無絲毫凌雜紛亂之弊意有所需翻索即得其中會話體裁宛若兩人對坐互相應答按時按事微始微終尤為本書之特色洵會話書中最整秩完備之作迥非徒然抄集多數散語而成者所可望其項背者也

上海羣益書社  
行 印

陳言  
編著

# 和漢熟語字典

精裝大本一冊  
定價一元二角

# 國內大事記

記者

## ▲省制入憲之波瀾

省制加入憲法問題，本誌前期已畧述其趨勢，自十一月十七日第四次審議，以表決問題發生衝突，不得結果。後各派乃以省制問題再付政團協商。經十一月二十五日、二十八日、十二月二日、四日、四次協商，十一月二十九日、十二月四日、六日、三次審議，仍無結果。十二月八日，開省制案第八次審議會。會場以內竟發生空前之大劇戰。對手之益友社、研究會兩派議員，彼此用武，各負損傷。散會後，研究會通電全國，訴述所苦。逾日，益友社亦通電以辨正之。誠我國憲法史上物物有生氣之一段故實也。

主張省制加入憲法者，在政團中為益友社、丙辰俱樂部、縉園、平社。主張不加入者，為憲法研究會、憲法討論會、憲法協議會、蘇園。表面為八大政團，平分勢力，實際則主張加入者，人數絕對過半。經前度協商十一月十七日之結果，人數益復加多。且在反對加入之政團，初非絕對輕視省制。除研究會始終反對加入外，所爭惟在時期先後耳。加以外省省議會督軍省長，為加入派聲援者，十有七省。於是加入派之聲勢，乃若千頃怒濤，不可遏制。反對派亦

國內大事記

本其迷信集權、蛇蝎分權之觀念，出死力以抗拒之。反對派雖亦重普通法律制定者之地位，與憲法既由憲法授與，則非今後之中央政府所得隨意動搖。由普通法律授與之則不妨隨時改變也。而審議會之爭端起矣。

十一月十七日之審議會，所爭在表決方法。審議長提出標題，兩方皆不滿意。因是全場嘩噪，不能舉行表決。及再付協商，專就表決方法研究。研究結果，先以統括的「加入」「不加入」用藍白票為一次表決。倘無結果，再以附條件之加入不加入分次表決。十一月二十九日，表決統括的加入不加入。投票結果，白票三百六十九。如藍票二百五十四。不各不足三分二，未能通過。十二月四日，表決附條件之加入不加入。定為四種標題：(一)除省長任免問題無容規定外，加入地方制度大綱。(二)憲法公布後，以制憲手續制定地方制度。(三)省長由大總統自由任命，與地方制度大綱一併加入憲法。(四)省長民選，與地方制度大綱一併加入憲法。是日投票表決：(一)(二)兩題，第一題贊成白票三百八十八，反對藍票二百五十七，各不足法定數。第二題贊成白票二百五十張，反對藍票三百三十二，仍不足法定數。六日繼續表決第三題。第三題者，經過協商後，益友社等政團最大限度之讓步。確有三分二之票數。不若第一題受一部分人之終慮。不規定省長任命問題

必讀法律所開國民憲法不惟性與主權在普通立法時勝利可操券券今益友社則已宣布犧牲不為研究憲法所信 第二第四其民價值丙長俱備兩題受大部分人之反對也故此大表決實為對主與贊成者極詳 兩題受大部分人之反對也故此大表決實為省制問題生死關頭贊否兩方自當各出全力以求制勝乃報票結果全場票數五百六十二贊成白票三百七十四反對藍票一百八十八白票去三分二尚差兩票因有議員二人入場較晚審議長停止給票加入兩方引憲法會議規則提出表決異議審議長不得已宣告表決無效八日再就本議題為第二次之表決審議長未先檢點人數遞發票紙六百三十八張開票結果得白票四百二十二藍票二百十四白票去三分二仍差四票而藍白兩票共計六百三十六議員名刺僅得六百三十五是為名刺少於票數不免有一人報兩票之嫌於是加入派再提異議反對派厲聲反駁兩方爭執遂至忽火上騰始則謾罵繼以毆打拳足而外復假墨盒坐椅以為聲援而當局議員乃各受破膚之損矣

散會以後加入派益友社議員認名刺少於票數為審議長違法舞弊事件准備提案懲戒反對派之研究會則謂當場用武係加入派所為一面通電訴述一面分赴法庭告訴請求訊理院內亦有懲戒議員案雙方對峙且有全體辭職藉以解散議會之語而事態乃益重大矣幸有憲法討論會平社蘇團憲法協議會等政

團各持中立態度奔走疏通力謀善後復有相國辭職等語

丙辰俱樂部憲政會 衡社濟國等加入調停合議調停辦法數事(一)表決問題根本解決另定省制加入大綱要求益友社研究會承認(二)各團體各推起草一人共同草擬省制大綱(三)雙方懲戒均不贊成(四)檢廳對於訴訟發票逮捕議員時院職不能許可同時推舉代表將前項決議分赴益友研究兩方接洽兩方容納各團善意於是參眾兩院常會照常開會 九日

國會因研究憲法中立各團一方豫備地方制度草案一方敦促審議會繼續重開至二十日憲法審議會再討論法官任免國會查辦權兩問題矣二十二日各團體協議之地方制度案完全通過通計大綱十六條省長由大總統任命設省議會及省參事會省議會在不抵觸中央法令之限度內有獨立職權參事會為贊襄省長省長職權為執行國家行政監督地方自治次日由各團體表就商益友研究兩方數日後研究會為附條件之贊同益友社則坦然承諾將來提赴審議會當不再有更動惟覺前此第三題之爭議不免近於多事耳

### ▲美國實業借款

新政府開幕以後財政緊絀挹注無從商訂各種借款除美國鐵

還借款外迄未成立。十一月中政府與美國大體商業銀行訂借美金五百萬元契約。於二十一日由財政部長携赴衆院。要求秘書會議。表決同意。衆院略加討論。完全通過。二十五日全文通過。參院。茲誌其合同大要如左。

(一) 借款數目。美金五百萬元。充改良國內事業。及中交兩行準備金。並兌現之用。故名爲實業借款。

(二) 償期三年。利息六厘。

(三) 以烟酒公賣稅爲抵押。

(四) 債票售價九七。中國實收九一。簽字後五日內。先付四百五十萬元。

(五) 政府於付息時。應給銀行以息額千分之五。償本時。給銀行千分之二五。作爲手續費。

(六) 中國政府再向美國借款時。該銀行得享有優先權。但以美金二千五百萬元爲限。

(七) 本合同一切手續。悉與中國政府辦理。

方面項借款之議訂也。前五國銀行團已發表之聲明。銀行團得聞消息。向政府質問。要求解釋借款之性質。及各國在該會。與代表於二十二日。以美國借款。妨害一九一三年（即民國二

年）善後借款合同所定之銀行團政治借款優先權爲言。致函財政部。請求注意。政府以前向銀行團借款。迄無確答。故另行商借實業借款。與前約並無違背。答覆去後。二十五日。該團竟爲強硬之抗議。政府根據兩種理由。切實拒駁。(一) 現在之四國團。已非復舊日之五國團。中國政府許與五國團之政治借款優先權。早已失其効力。故中國締結政治借款。儘可自由。無受抗議之理由。(二) 此次中美借款。純係實業借款。無受抗議之性質。距銀行團接收前項債項。大不滿意。於十二月二日。對於答覆。爲第二次抗議。其所持理由。則謂排除德國之四國團。仍與吾國無異。同其本質。且中國政府。曾向本團提議借款。是已承認於事先。不能託詞於事後。至此次借款。本團終認爲政治性質云云。政府於七日。仍以前次主義。不認四國團與訂約時之五國團。爲同一團體。中美借款。又非政治性質。重行駁復。四國團竟爲第三次抗議。一面致促二次善後借款之實行。此四國團之糾葛也。當該團提出質問時。其持理由。悉以擔保關係。單據爲據。其公使以一九〇八年。中國與英法所訂京漢鐵路借款。係以直隸鄂三省烟酒稅爲擔保。今用以抵押美款。不免與各該本國權利相妨。經政府聲

明局部地方之烟酒稅與全國烟酒公賣稅係屬兩事且稅源較旺英法兩使始各息異議嗚呼借人區區五百萬竟勢如許周折之外交國家財政行動之自由被借款條約束縛盡矣

### ▲政潮種種

此次共和復活除袁氏自斃帝制八首犯逃亡外新組政府極新舊雜揉薰蕕同器之觀掀動政潮之根因隨地蘊蓄皆是也自徐州會議經過北京內務部發生議員訴訟問題平政院組織員判消部令國務院定議照判執行予新入閣之內務總長孫洪伊以不堪之窘辱孫拒絕負副署久之竟以總統令着孫免職同時國會中之新黨分子對於袁氏遺留之地方長吏不免時有責言查辦糾彈之案發生多起唐外交孫內務去職後之補提同意均經兩度否決而國會內閣間內閣公府間遂彼此發生捍隔及憲法審議會因省制問題互起爭鬪而政潮之度漸高茲誌其可為

### 筆 三事

十一月中旬參議員溫世霖等對於現內閣以違法失職分列十款提案彈劾雖未實行開議而懸諸議事日程與國人以其見者實非一朝後以種種因緣始由本人自以緩期提議暫行懸擱入十二月更有二十二省督軍省長以三事聯銜入告之長電原

文大旨一謂總統信任總理一謂總理實行負責一告國會勿干行政推重總理幾等天人救議國會措詞嚴重一則曰兩院恢復之初原出一時權宜之計再則曰開會以來紛擾爭競較甚於前既無成績可言更絕進行之望三則曰恐天下之人忍無可忍決不能再為曲諒官吏以此等聲口施諸立法機關心理中對於所議法案甯復以為有一顧之值縱無不再曲諒之事實發生已為國家前途大感矣

此時北京方面復有所謂憲法促成會者通電各省對於國會醜詆百般逾日前項通電竟違直隸曹督軍福建李督軍之協贊國會方面既已忍無可忍乃於十二月二十六日請司法總長出席質問對於此等非法團體法外言論有無取締司法總長允令檢廳依法起訴今尙在訴訟進行中而解散國會之謠且日急一日也

## 通信

獨秀先生足下。僕前函感於先生之沉痛語。措辭似近「盛氣督責」。其實當僕作書之時。悉本於良心之直覺。並無一毫意氣存乎其間。且僕自信前函所述。爲僕今後數十年處世之方針。躬行實踐。以自盡其匹夫之責。非敢以狂妄之言瀆先生也。先生謂「國人進化之遲鈍者。正以宥於現象之故」。此言與僕意相符。然僕有一大疑問。國人何故而爲現象所宥。以僕所知。世界萬事萬物。祇有變化而無新舊。若必以新舊二字言之。亦祇有新陳代謝而無永久不變之舊。自生理言之。今日之我已非昨日之我。昨日之我之細胞。死去者不知若干萬。今日之我之細胞。新生者不知若干萬。孰能使昨日之舊細胞不死。今日之新細胞不生。自心理言之。思想之變遷。尤非人力所能保守。孰能使今日之思想。密合於昨日之思想。而無絲毫之異。自生物言之。花開花謝。謝者舊而開者新。未幾新者復謝。而更新者復開。孰能使舊者不謝。而新者不開。自時間言之。舊者去而新者來。孰能使舊者不去。新者不來。若此諸例。更僕難數。總之。新舊者。乃比較之辭。有新始有舊。有舊卽有新。新陳代謝。乃爲自然公例。無論何人。莫能違反。彼昌言守舊者。不知其自身之細胞。已日新又新。而彼之言語行爲。亦不能不受時代之影響。而稍稍革新。例如某先生。夙醉心帝制。而在今日亦承認民國總統。此其著焉者也。故以僕所見。我國人之新者。固新而舊者亦未嘗不新。舊者之新。比較新者之新。爲舊。非真能守舊也。卽以我國歷史證之。雖曰陳陳相因。而其新舊遞代之蹟。歷歷可考。惟僅有自然之新。而缺乏人爲之新。故雖有變遷。而其蹟不顯。然舊法之不能墨守。則

閉關時代，已示其端倪。僕以為欲為今日言守舊者求一切喻，莫若光復時之保辦。彼以辦為向來所有而保之，不知三百年前固無此物。今日政治上之革新，社會上之革新，彼守舊者以為向來所無而反對之。殊不知其自身未生以前，亦為向來所無。思想之窒塞，一至於此，是我情之罪也。僕以為今日第一要事，惟有導國民之思想，以上於自由進化之途。舍此一事不能為也。瑣瑣書來，不覺盈幅，暫止於此。是容後再陳。

畢雲程上

獨秀先生大鑒。日前晤高君壽生，聞先生近有北京之行。茲者蔡子民先生已應教育部之聘，出長北京大學。日內亦將北上。先生與蔡先生素有相知之雅，希即就近特約蔡先生，關於青年文字，統假大誌發表為盼。蔡先生過申時，曾在江蘇省教育會演講，力斥提倡孔教之妄說，並謂科學昌明，宗教腐說，已失其立足地。今後欲維持道德，改良社會，當普及美術思想，養成人類最高觀念云。以美學代宗教之偉論，在吾國思想界，實得未曾有。惜是日時間短促，且非講題範圍，以致語焉不詳。聽者未能充分了解也。最好請蔡先生著論闡明斯理，登諸大誌，以為迷信宗教者告。則造福青年界，豈淺鮮哉。想蔡先生以介紹西洋文明為己任，且新自近代文化中心地法蘭西回國，而對於吾黨青年，尤抱莫大之希望，必能俯允所請，惠我愛讀。大誌諸君子也。專此佈達，敬請著安。

李平謹白

為新青年撰文之事，已請之蔡先生。惟校事多忙，必稍遲始克慰讀者諸君之渴望也。獨秀謹復。獨秀史席余不幸為女子身，更不幸而為中國積威漸約日家日族之禮教女子身，意非無所議，口非無所道。自分長茲已矣。當閉口不嚮人言。詎過溼氏得閱貴雜誌，獨欲為女子揚眉，是則女子之人格，其或

由貴雜誌而人其人斯二萬萬之奴隸幸福不淺。余其一也。敢不祝他日之果於今日之因乎。然敢望者人心所不望者禮教。又今日下流風俗之墮其與禮教之害殊塗同歸。教育之腐舊。男子且不能做法歐美。何論女子。苟竟不加教育。尚可全其天然之真善美。或謂教育勝於無教育。余謂此腐舊教育之害甚於無教育。蓋以腐舊教育乃固步自封。日趨於退化。尚不若任其自然之發展。免費教育一層。許多週折且無益而有害也。吾國萬般之不進化。莫不緣孔老爲之厲階。至今縉紳先生中尚不乏非議共和國體者。卽其驗也。雖其言尙不爲社會所重。余恐國中有國粹頭腦諸先生無不直接間接助之張目。（觀許多無常識之議員贊成孔教或孔道可知）若是則先生休矣。夫姓字之從女。蓋上古古風也。今人每喜尊古而於此義獨昧之。周孔非古於上古也。而嗜古者獨尊之何耶。可知一切事理當平心一考。其善不善不當泥於古不古也。今孔教之聲盈天下。余素腹非之。而傾心於莊墨耶穌之流。夫以莊嚴之國憲定孔道爲修身大本。則將來之教育方針可知。余爲共和國體危。

又先生所列徵題。蓋已具慧眼。不禁拭目俟之。

譯 啓

獨秀先生足下。讀貴報孔子平議。謂自王充李卓吾數君外。多抱孔子萬能思想。不佞丙午游東京。曾有數詩（題爲中夜不寐偶成。飲冰室詩話）注中多非儒之說。歸蜀後常以六經五禮通考唐律疏義滿清律例及諸史中議禮議獄之文。與老莊孟德斯鳩甄克思穆勒約翰斯賓塞爾遠藤隆吉久保天隨諸家之著作及歐美各國憲法民法比較對勘。十年以來粗有所見。拙撰辛亥雜詩（見甲寅七期）李卓吾別傳（見進步九卷三四期）略有發揮。此外尙有家族制度爲專制主義之根據論。儒家大同之義本

於老子說。儒家重禮之作用。儒家主張階級制度之害。消極革命之老莊。讀荀子諸篇。其主張皆出王充李卓吾之外。暇當依次錄上。以求印證。不佞常謂孔子自是當時之偉人。然欲堅執其學。以籠罩天下。後世阻碍文化之發展。以揚專制之餘焰。則不得不攻之者。勢也。梁任公曰。吾愛孔子。吾尤愛真理。區區之意。亦猶是耳。豈好辯哉。拙撰宋元學粹語例言。引李卓吾語。前清學部曾令趙學政啓霖查禁。癸丑在成都醒羣報投筆記稿。又由內務部朱啓鈴電令封禁。(此次方准啓封)故關於非儒之作。成都報紙不甚敢登載。章行嚴會語張重民曰。辛亥雜詩中。非儒諸詩。思想之超。非東南名士所及。不佞極媿其言。然同調至少。如此間之廖季平丈。及貴報通信之陳恨我君之見解。幾塞宇內。讀貴報大論。爲之欣然。故不揣冒昧。寄塵清監。教之爲幸。卽頌譔安。

弟吳虞謹啓

又陵先生足下。久於章行嚴謝無量二君許。聞知先生爲蜀中名宿。甲寅所錄大作。卽是僕所選載。且妄加圈識。欽仰久矣。茲獲讀手教。并大文榮幸無似。甲寅擬卽續刊。尊著倫全數寄賜。分載青年甲寅嘉惠後學誠盛事也。竊以無論何種學派。均不能定爲一尊。以阻碍思想文化之自由發展。況儒術孔道。非無優點。而缺點則正多。尤與近世文明社會絕不相容者。其一貫倫理政治之綱常階級說也。此不攻破吾國之政治法律社會道德。俱無由出黑暗而入光明。神州大氣。腐穢蝕人。西望峨眉。遠在天外。瞻仰弗及。我勞如何。

獨秀謹復

記者足下。屢讀大誌。欽佩無似。際茲公理銷沉。邪說橫行之時。貴報乃能獨排衆議。力挽狂瀾。誠足稱空谷之足音。闇室之燈光也。貴誌於世界文明之真諦。多所輸入。實足厚惠青年。而於反對孔教。尤能發揚

至理。足使一般中國國教之迷者。作當頭喝棒也。近代文明之真諦。最新之思潮。僕以爲當推社會主義。此種學說。爲政府及資本家專橫之反應。大足爲我人研究之資料。我國於此種主義。輸入未久。鼓吹乏人。故信仰者寡。是以強權者勢愈甚。而平民乃愈陷水火之中。貴報素主輸入世界新理。獨於斯類學說。乃未多觀。足下如以社會主義實可爲救世之良藥。則闡揚之責。端在貴報矣。僕願望如此。不識足下以爲如何。

愛讀者褚葆衡白

社會主義理想甚高。學派亦甚複雜。惟是觀之興。中國似可緩於歐洲。因產業未興。兼併未盛行也。

記者

執事先生大鑒。啓者頃閱貴社之新青年雜誌。覺其命意純正。搜羅宏富。誠青年界之金針也。蓋國所倚重。端賴青年。青年墮落。國家之憂。乃幸有貴雜誌之刊行。青年得此。如清夜聞鐘。如當頭一棒。有益於人國者不少。願根本問題。首在教育。國民師範。厥惟師範學生。夫近日之師範學生。亦不爲不多矣。然一卒業後。或遠舉高飛。或自是改業。其能出而致用。與教育相終始者。十不二三。其居心則以生活艱難。不屑屈而爲此。情理或然。揆之師範本意。究爲不合。乃於課餘之暇。草此一篇。以爲師範青年之忠告。倘蒙登錄。不勝榮幸。專此即頌文祉。

揚州第五師範學校孫斌上

獨秀先生偉鑒。屢讀大誌。獲益良深。僕幼既失學。少長所與周旋接觸者。類皆先生所云之陳腐朽敗之老耆壯者。互相傳染。薰受其毒。故僕年雖未及弱冠。而腦筋中已滿貯舊式思想。及今春一讀大誌。如當頭受一棒喝。恍然悟青年之價值。西法之效用。腐舊之當廢。新鮮之當迎。於是連續購讀。如病者之吸收。

新鮮空氣。必將濁氣吐出。迄今雖不能如先生所云之完全新青年。然自認確能掃除往日腦中之舊式思想。此非先生挽救青年之功而誰哉。僕讀畢雲程君之通訊。而深表同情。先生幸勿以青年墮落萬象銷沈。而或抱悲觀。期前種新因。後必獲果。青年教育。當漸入佳境矣。茲有詢者。吾國國民之對於西洋文明。一般頑固派。排斥嚴峻。始勿具論。即一般維新派。信仰西洋文明甚堅者。然亦徒羨其美。望洋興嘆。大有夫子之簞數仞。不得而入之感。僕竊以爲不然。僕以爲西洋文明。其精神不外二者。曰積極。曰崇實。苟能進斯二者而行動。則處處合乎西洋文明。何難之有。反是曰消極。曰虛飾。即東洋之庸儒惡習。即今日中國之社會習慣也。鄙見如此。尙祈先生斧正賜覆。肅此即請撰安。

顧克剛上

讀本誌而急知趣舍。知足下者。誠堪欽佩。惟記者學淺。不足屢讀者諸君之望。慚愧慚愧。獨秀記者足下。蒙覆極感。至論世界語爲今日人類必要之事業。惟以習慣未成。未能完全應用。拜領教言。欣慰。似頃有友人來云。世界語文法既整齊。亦簡單易學。而學習者寥若晨星。其故何歟。僕以不知對友云。世界語之文法。與法蘭西文大同小異。習世界語。寧習法文。蓋法蘭西爲世界文明之邦。而書籍尤富。不若世界語書籍寥寥無幾也。夫世界語雖學習而精通。亦不能實用。有何益哉。嗟呼。世界語雖名爲世界語。然終難普及世界也。一般文人學子。深知其由。所以習之者少。而反對者多也。我勸君舍世界語而習法文。將來獲益之多。豈可限量耶。君不見夫新青年雜誌第二卷第三號法蘭西文學協會 *Association Française* 之通訊乎。獨秀先生介紹云。一法蘭西人爲世界文明之導師。今之巴黎猶爲科學文藝之淵藪。吾國人而欲探討歐西真正之文明。理應游學彼中。以求真諦。即無力遠游之士。多讀法蘭西書。視昔

日之習英文專爲習商業計者。思想界所獲宏益必多。法語知識誠吾學界之所急需也。『君信我說乎。請舍世界語而習法文。然乎否耶。』君自裁酌。僕聞斯語。疑信參半。不克定度。爲特上書。乞賜教言。以解僕疑。而定舍取。曷勝幸甚。

T. M. Cheng 頓首

僕亦贊同尊友之意。足下可暫置世界語而習法文。通法文者。習世界語當甚易也。此復。記者獨秀先生大鑒。大誌於答某君通信中。有獨身主義之主張。考斯種思想。在西方各國。已有日益流行之傾向。而其所以如此者。厥故有三。(一)人類腦力發達。則其對於情慾的觀念。自然日趨薄弱。蓋思想高尚之人。嘗多注意於正當職務。自朝徂暮。不遑宵息。更何暇紛心於他種問題。故鴻儒如康德斯賓塞輩。皆終生獨居。甘作鰥魚。而愛理沙白女王。且宣言以英吉利爲夫。不願作他人婦。無他人生日的。須向直線進行。百折不撓。然後始能達到成功之域。而繾綣床第。每令人兒女情長。英雄氣短。學者中。所以有懷抱此種思想者。以此。(二)則歐人富於自主精神。一有眷屬。則動受掣肘。爲所束縛。轉形不便。故不如弗行結婚。個人自由。可以完全無缺。(三)則現代經濟組織。日益變遷。生活程度。亦倍覺困難。若舉行結婚。則負擔之費陡增。個人在經濟上地位。必致左支右絀。無法彌補。何如犧牲快樂。以我行我志爲愈。故法國人口出生之率。逐年遞減。(原因複雜。此亦其原因之一)法政府甚至做行中古獎勵政策。以爲補救之計。觀此情形。則獨身主義之流行西方。可謂有日益發達之趨勢矣。至於我國。素以家族主義立國。爲父母者。以亟於抱孫之故。子女結婚年齡。嘗不使之標梅逾期。故有乳臭未乾。雛髮甫脫。居然授室宜家。實則其子女智識。尙屬夢昧。而身心兩面。猶未臻乎完全發達。質言之。處於家族制度下之結婚問題。純爲被動的。而非

出於自作主張之地位。其害之所及。轉使經濟上失其獨力資格。而增加若干困難也。僕以為欲禁止早婚。非先打破根深蒂固之家族制度不可。若提倡獨身主義。猶在第二著也。鄙見如此。未知先生以為然否。務祈賜教為幸。敬頌撰安。

孔昭銘上

尊論西洋獨身主義流行之原因。及吾國欲禁早婚。必先打破家族制度。極是極是。惟早婚主義。源於嗣宗主義。即家族主義。宗族嗣續主義。源於儒教。孔道祀祖孝親主義。儒教孔道不大破壞中國一切政治道德倫理社會風俗學術思想。均無有救治之法。不獨早婚一害已也。足下以為如何。

獨秀復

[ G e n e r a l I n f o r m a t i o n ]

书名 = 新青年第二卷第五号中华民国六年一月 >

作者 =

页数 = 1 0 6

SS号 = 0

出版日期 =

目录  
正文